

# Chcedźa Kretschmerek pisac

Předsydstwo Serbskeho šulskeho towarstwa (SŠT) je na wčerawšim poseźdenju wobzamknyło, zo swojich „wosom žadanjow za serbske šulstwo“ na wšitke frakcije Sakskeho krajneho sejma póscele. Zdobom chcedźa z listom wo stejišćo frakcije k podatym žadanjam a wo rozmołwu prosyc.

**Smjerdźaca (SN/MiR).** Nastork za tutón rozsud běše wopyt zapóslanca Sakskeho krajneho sejma Alojsa Mikławška a kandidatki za přichodny krajny parlamant Elaine Jenčec (wobaj CDU) na zetkanju předsydstwa SŠT w Smjerdźečanskim kubłanskim srjedzišću LIPA. Přitomni diskutowachu wo tym, na kotre wašnje móhli šulerjow ze skerje njekatolskich kónčin Łužicy do serbskeho kubłanskeho procesa zapřijeć. „Jako towarstwo mamy fokus na škitanje serbskorěčneho žra“, praji předsydku SŠT Katharina Jurkowa, „při wšěm móhl lěpši transport šulerjow – jedne z našich žadanjow na sakskej politice – přičahliwosć za serbske šule zwyżić. Runje tak tež dobre wuměnjenja za wuwučowanje na našich šulach.“ Předsydstwo SŠT potwjerdži trěbnosć serbskeho referata w sakskej ministerstwie za kultus a w sakskej krajnej zarjědźe za šulu

a kublanje w koncentrowanej formje.

Za jónkrótne ma Elaine Jenčec, zo towarstwo – džěłodawar za wjacje hač sto přistajenych a nošer kubłanišćow w Hornjej a Delnej Łužicy – princip dospołneje imersije nastupajo serbsku řeč nałožuje. Prócowanja za maćernorěčne kublanje serbskich džěćow ma za wosebje hódne. Přitomni wuwědomichu sej ćeže při saněrowanju resp. přetwaru Serbskeje wyšeje šule „Michał Hórnik“ we Worklecach. Předsydstwo SŠT namołwješe Mikławška a Jenčec, zo byštej so jasnje a zjawnje k tematicke wuprajitoj a so wotpowědne politisce angažowaloj. SŠT chce zhromadnje ze šulskim wjednistwom, Worklečanskim wjesnjanostu a spěchowanskim towarstwom šule w lisće na sakskej ministerstweje prezidenta Michaela Kretschmera zwuraznić, zo nuznje trěbny přetwar šule wysokeho swojskeho financielneho podźěla gmejny dla na hračkach steji. Tute postupowanje słuša do wobłuka politiskeho skutkowanja towarstwa za serbskich pedagogow a pedagogowkow.

W internym kruhu wuradźowaje předsydstwo wo koncepcje za wuwučowanje LIPY w kooperaciji z Domowinu kaž tež wo přetwarje rumnosćow tuchwilneho žłobika k wužiwanju za wšitke generacije.